


集部輯佚文獻彙編

翟金明

主編


國家圖書館出版社

71



集部輯佚文獻彙編

71



論評 選錄

在漢代詩學圖外圖

(南朝梁)沈約撰 (明)張燮輯

沈隱侯集十六卷附錄一卷
(卷八——十六附錄)

明天啓崇禎刻《七十二家集》本

第七十一冊目錄

別集(七十二)

南朝梁(五)

沈隱侯集十六卷附錄一卷(卷八—十六附錄) (南朝梁)沈約撰 (明)張燮輯

卷八 一

卷九 三七

卷十 七三

卷十一 一九

卷十二 一五三

卷十三 一九一

卷十四 二一九

卷十五 二五七

卷十六 二九七

附錄	三三一
沈隱侯集 (南朝梁) 沈約撰 (明) 葉紹泰輯	三六七
沈休文文抄一卷 (南朝梁) 沈約撰 (明) 李賓輯	三七七
沈約 (南朝梁) 沈約撰 (清) 嚴可均輯	四七一

沈隱侯集卷之八

梁吳興沈約休文著

明閩漳張燮紹和纂

表

上宋書表


臣約言臣聞大禹刊木事炳虞書西伯戡黎功
煥商典伏惟皇基積峻帝烈弘深樹德往朝立
勲前代若不觀風唐世無以見帝嫺之美自非
覩亂秦餘何用知漢祖之業是以掌言未記爰

動天情曲詔史官追述大典臣實庸妄文史多
闕以茲不才對揚盛旨是用夕惕載懷忘其寢
食者也臣約頓首死罪竊惟宋氏南面承歷統
天雖世窮八主年減百載而兵車亟動國道屢
屯垂文簡牘事數繁廣若夫英主啓基名臣建
績拯世夷難之功配天光宅之運亦足以勒銘
鐘鼎昭被方策及虐后暴朝前王罕二國釁家
禍曠古未書又可以式規萬葉作鑒于後宋故
著作郎何承天始撰宋書草立紀傳止於武帝

功臣篇牘未廣其所撰志唯天文律曆自此外
悉委奉朝請山謙之謙之孝建初又被詔撰述
尋值病亡仍使南臺侍御史蘇寶生續造諸傳
元嘉名臣皆其所撰寶生被誅大明中又命著
作郎徐爰踵成前作爰因何蘇所述勒爲一史
起自義熙之初訖于大明之末至於臧質魯爽
王僧達諸傳又皆孝武所造自永光以來至於
禪讓十餘年內闕而不續一代典文始末未舉
且事屬當時多非實錄又立傳之方取捨乖衷

進由時旨退傍世情垂之方來難以取信臣今
謹更創立製成新史始自義熙肇號終於昇明
三年桓玄譙縱盧循馬魯之徒身爲晉賊非關
後代吳隱謝混郗僧施義止前朝不宜濫入宋
典劉毅何無忌魏詠之檀憑之孟昶諸葛長民
志在興復情非造宋今竝刊除歸之晉籍臣遠
愧南董近謝遷固以閭閻小才述一代盛典屬
辭比事望古慙良鞠躬跼蹐覩汗亡厝本紀列
傳繕寫已畢合志表七十卷臣今謹奏呈所撰

諸志須戒續上謹條目錄諸公并表奏書
臣約誠惶誠恐頓首頓首死罪死罪



上注制旨連珠表

竊尋連珠之作始自子雲放易象論動模經誥
班固謂之命世桓伊以爲絕倫連珠者蓋謂辭
句連續互相發明若珠之結排也雖復金鑣互
騁玉軌並馳妍媸優劣參差相間翔禽伏獸易
以心威守株膠瑟難與適變水鏡芝蘭隨其所
遇明珠燕石貴賤相懸

爲柳世隆上銅表

夫幣以周務貨以賑民阜國康治莫尙乎此周
氏致平始于園法漢世幾措資于貫朽名鑪化
金良工盡藝方將盈金中藏收功上苑南楚陋
其方府西京鄙其部內

上建闕表

恭惟哲后舊章必修眇矚前王復古爲貴伏惟
陛下欣咨故實率由令典昔在有晉經創江左
邦訓莫釐遠圖多缺萬雉之外兩觀弗興空指
南峰懸法無所世歷三代年將二百非所以經
世成務垂業後昆天德圓應憲章自遠宜詔匠
人建茲象闕俯藉愛禮之心以申子來之願式
表端闡儀刑萬國使觀風而至復聞正歲之典
遐想之士少寄懷古之目

爲柳兗州世隆上舊宮表

舊宮蘊靈千古合祥百代萬祇相祉八神警室
事超齊甸義邁譙宮故能屬輦道於天階命帝
闕於霄路實宜樹闕疏壤寫極上穹克播徽塵
永光盛烈

舉胡元秀表

竊惟經邦御遠雖待大賢摧鋒犯鏑亦資小用
伏見錢塘新城主胡元秀早歲驅馳意幹強果
矛盾之用氣凌百夫若置之六師之間處之一
旅之上必能前奮曠敵却沮強胡臣實弱懦不
窺武節昧罔輕言伏懷悚懼

薦劉粲表

陛下則天開業冠帶要荒輜軒韋轂交軫於遐
路捨築投竿相望於魏闕或以開圻未採管庫
遺賢執戟忘疲倚輶不息